

# **PLOOS YEESUS KRISTUS RET**

Un tii tuut een soon uf ti wëlt pringe, un tuu tuust em Yeesus nëne, wayl tee tuut sayn folek fon sayn sinte rëte. Mateus 1:21


Wayl Kot ti wëlt soo keliipt hot, tas Ëyer sayn eensich kepoorene soon këp hot, tas yeete eene woo aan tëm klaapt, nët ferkeet, awer tas eewiche leepe kriit. João 3:16

Yeesus hot kesaat: Ich sin te weech, ti woerheet un tas leepe. Nimant khan tsu te fater khome ploos torich mich. João 14:6

Un këpts kheer aner naame unich tëm himel, woo tswixich ti mënxe këp is, woo mëyer rëte khëne. Atos 4:12

Wayl, ëyerst, hon ich fer aych këp tas was ich kriit hon: Kristus weeche unsere sinte kextorep is, soo wii ti Xrifte saan. un tas tee kextërep is un tas tee am trite taach uf kextii is, soo wii ti xrifte saan: 1 Coríntios 15:3-4

In tëm hon mer torich tëm sayn pluut frayheet, ti fertsayung fon unsere sinte, noo tëm sayn raychlich unfertiint kuutheet. Efésios 1:7



And the gospel must first be published  
among all nations. MARK 13:10

Es kēpt fier woerheete woo mēyer kans ferxteen mise:

1. Kot liipt tich soo fiil.

Tee wil tas tuu mit tēm eewiche leepe im himel host.

Wayl Kot ti wēlt soo keliipt hot, tas Ēyer sayn eensich kepoorene soon kēp hot, tas yeete eene woo aan tēm klaapt, nēt ferkeet, awer tas eewiche leepe kriit. João 3:16

Tee wil tas tuu een raychlich un sinful leepe mit tēm host.

Te tiif khomt ploos fer se xteele, um pringe un fernichte. Ich sin khom tas tii tas leepe hon khēne un tas se tas mee fol mit leepe hon khēne. João 10:10

Trots tas, fiile layt tuun khee sintlich leepe mit mache un sin net sicher ep se eewich leepe hon wayl...

2. Te mēnx is fon natuer sintlich. Tēs weeche is tee fon Kot ap kexpant.

Al hon kesint.

Wayl al hon kesint un sin fon Kot sayn hērlichkheet ferkheert kang. Romanos 3:23

Wayl ti liip tsu tas kēlt is ti wortsel fon ale xlēchte tinge...

1 Timóteo 6:10

Te loon fon te sint is te toot.

Wayl ti loon fon te sint is te toot... Romanos 6:23

Ti Piipel pexraypt tswaay sorte toot:

- Fiisixe toot .

Un soo wii es pextimt is fer ti mēnxee een mool xtērwe, awer noo tēm tas kericht kēpt: Hebreus 9:27

- Te kaystlich toot orer ti eewiche apxnaytung fon Kot in te hēlle .

Awer ti ēngstlich, ti unklaupiche, ti xlēchte tinge, ti murderer, ti hultere, ti hēkser mache, ti itolatrii un ale liieraycher, tuun sayn teel in tēm meer fon fayer un xwayn prēne tuut, woo te tsweete toot is. Apocalipse 21:8



Wën te mënch weeche sayn sinte fon Kot ap kexpant wërt, was is ti antwort fer tiise propleem? Meyer tenke oft tas ti antworste sin: relichioon, kuute aarwayte un kuute maniere. Awer es kept ploos een antwort fon Kot.

3. Yeesus Kristus is te eensiche weech tsum himel.

Tas is Kot sayn ausxprechung.

Yeesus hot kesaat: Ich sin te weech, ti woerheet un tas leepe.

Nimant khan tsu Kot, te Fater, khome ploos torich mich.

João 14:6

Tee hot ti kans xtroof fer unsere sinte petsaalt.

Wayl Kristus hot aach een mool fer ti sinte kextorep, te kerechte fer ti unkerechte, tas Eyer uns tsu Kot nēme khēnt. In tēm hon mer torich tēm sayn pluut frayheet, ti fertsayung fon unsere sinte, noo tēm sayn raychlich unfertiint kuutheet.

Efésios 1:7

Tee hot ti ferxprēche fom eewiche leepe.

Weer aan te Soon klaapt, hot tas eewiche leepe. Awer weer nēt an te soon klaapt, tuut tas nēt tas leepe siin; awer Kot sayn wuut tuut iwich tēm plaype. João 3:36

Wayl te loon fon te sint is te toot; awer, Kot sayn kexēnk is tas eewiche leepe torich Yeesus Kristus, unser Hēr.

Romanos 6:23

4. Mēyer mise aan Yeesus Kristus klaape fer kerēt kēpe.

Unser rētung is weeche Kot sayn unfertiint kuutheet torich te klaape aan Yeesus Kristus.

Wayl torich ti unfertiint kuutheet sayt tēyer kerēt kēp torich te klaape; un tas is nēt fon aych sēlepst, awer is een kexēnk fon Kot, nēt fon ayre aarwayte, tas nimant sich proose tuut.

Efésios 2:8-9

Wayl yeete eene woo te Hēr sayn naame aan ruuft, wërt kerēt. Romanos 10:13



Kepeet fer sich ënere

Tuu tas mit klaape peete:

Hër Yeesus, tanke xeen tas tuu mich liipe tuust. Ich erkhëne tas ich en sinter sin un ich ferlange tayn fertsayung. Tanke xeen fer tayn toot uf em krayts, tayn peërtichung, un ufxtaye fom toot fer al mayn sinte se petsaale. Ich fertraue uf tich wii mayn Hër un Reter. Ich nëme tayn kexënk fom eewiche leewe aan un ich këwe mayn leewe fer tich. Hëlef mich al tayne kepoote aan heere un tich kuut aan nëme. Amen.

Wëns tuu aan Yeesus Kristus ketrout host, is tas folëk mit tich pasiirt:

- Yets, host tuu eewich leepe pay Kot.

Un tas is te wile fon tēm woo mich kexikt hot: tas yeete eene woo te Soon siit un aan iim klaapt, eewiche leepe kriit, un ich tuun tee am lëtste taach fom toot uf ruufe. João 6:40

- Al tayn sinte sin petsaalt un fertsayt këp.

(ferkangheet, hayt, tsukhunft)

Awer tee, noo tēm er een offer fer ti sinte kemacht hot, hot er sich uf Kot sayn rechts hant kesëtst. Hebreus 10:12

- Tuu pist een nay kriatsioon foer Kot. Es is te aanfang fon tayn nay leepe.

Tës weeche, wën yemant in Kristus is, is tee een nay kriatsioon; siit, ale tinge sin nay këp. 2 Coríntios 5:17

- Tuu pist een khint fon Kot kep.

Awer, al tii woo tee aan kenom hon, hot ëyer ti macht kep fer Kot sayn khiner se wëre, tii woo aan tēm sayn naame klaape:

João 1:12

Kuute aarwayte sin net een weeche fer uns se rëte, awer een pewaysung orer frucht fon unser rëtung.

Wayl mëyer sin sayn aarwayt, kemacht këp fer kuute aarwayte se mache, woo Kot foer heer foer kextëlt hot tas mëyer in tēne keen solte. Efésios 2:10

Kot seechen tich!